

修訂日期 2006/04/12 発行日期 2007/3/7 発行単位 中華電子

仏典協会 (CBETA) <http://www.cbeta.org> 資料底本 大正新修

大正蔵経 Vol. 14 No. 451 原始資料 蕭鎮国大德提供 維習安大

德提供之高麗蔵 CD 经文 陳建銘大德輸入 無名氏大德輸入

北美某大德提供 No. 451 [Nos. 449 450 灌頂経卷第十一]

薬師瑠璃光七仏本願功德経卷上大唐三蔵沙門義浄於仏光内寺訳

如是我聞 一時薄伽梵 遊化諸国至広嚴城在楽音樹下 与大苾

芻衆八千人俱 菩薩摩訶薩三万六千 其名曰曼殊室利菩薩 觀自

在菩薩 慈氏菩薩 善現菩薩 大慧菩薩 明慧菩薩 山峰菩薩 弁

峰菩薩 持妙高峰菩薩 不空超越菩薩 微妙音菩薩 常思惟菩薩

執金剛菩薩 如是等諸大菩薩而為上首 及諸国王大臣婆羅門居士

天龍八部人非人等 無量大衆恭敬圍繞而為説法 初中後善文義巧

妙 純一円満清浄鮮白梵行之相 示教利喜皆令具足微妙行願趣大

菩提

爾時曼殊室利法王子菩薩摩訶薩 承仏威神從座而起 偏袒右肩

右膝着地 合掌恭敬而白仏言 世尊 今有無量人天大衆 為聴法

故皆已雲集 惟仏世尊從初発意乃至於今所有無量塵沙数劫 諸仏

刹土無不知見 願為我等及未來世像法衆生 慈悲演説諸仏名号本

願功德国土莊嚴善巧方便差別之相 令諸聞者業障消除乃至菩提得

不退転 爾時世尊讚曼殊室利菩薩言 善哉善哉曼殊室利 汝以大

悲愍念無量業障有情 種種疾病憂悲苦恼得安樂故 勸請我説諸仏

名号本願功德国土莊嚴 此由如来威神之力令発斯問 汝今諦聴極

善思惟 当為汝説 曼殊室利言 惟願為説 我等樂聞

仏告曼殊室利 東方去此過四踰伽河沙仏土 有世界名曰光勝

仏号善名稱吉祥王如来応正等覚明行円満善逝世間解無上丈夫調御
士天人師仏世尊 有無量億衆不退菩薩之所圍繞 安住七宝勝妙莊
嚴獅子之坐現在說法 曼殊室利 彼仏国土清浄嚴飾 縦広正等百
千踰繕那 以瞻部金而為其地 平正柔軟氣如天香 無諸惡趣及女
人名 亦無瓦礫沙石棘刺 宝樹行列花果滋繁 多有浴池皆以金銀
真珠雜宝而為砌飾 曼殊室利 彼国菩薩皆於七宝蓮華化生 是故
淨信善男子善女人 皆当願生彼仏国土 曼殊室利 彼仏如来応正
等覚 從初発心行菩薩道時 発八大願云何為八

第一大願 願我来世得無上菩提時 若有衆生 為諸病苦逼切其
身 熱病諸瘧蠱道厭魅起屍鬼等之所悩害 若能至心称我名者 由
是力故所有病苦悉皆消滅 乃至証得無上菩提

第二大願 願我来世得菩提時 若有衆生 盲聾瘖啞白癩癩狂衆
病所困 若能至心称我名者 由是力故 諸根具足衆病消滅 乃至
菩提

第三大願 願我来世得菩提時 若有衆生 為貪瞋痴之所纏逼
造無間罪及諸惡行 誹謗正法不修衆善 当墮地獄受諸苦痛 若能
至心称我名者 由是力故令無間罪及諸業障悉皆消滅 無有衆生墮

惡趣者常受人天殊勝安樂 乃至菩提
第四大願 願我来世得菩提時 若有衆生 少乏衣食瓔珞臥具財
貨珍宝香花伎樂 若能至心称我名者 由是力故所乏資生皆得充足
乃至菩提

第五大願 願我来世得菩提時 若有衆生 或被枷鎖繫縛其身
及以鞭撻受諸苦惱 若能至心称我名者 由是力故所有苦楚 皆得
解脱 乃至菩提

第六大願 願我来世得菩提時 若有衆生 於險難処為諸惡獸熊

羆獅子虎豹豺狼虻蛇蝮蠍之所侵惱 欲斷其命 發聲大叫 受大苦時
若能至心稱我名者 由是力故 所有恐怖 皆得解脫 諸惡獸等 悉起慈
心 常得安樂 乃至菩提

第七大願 願我來世得菩提時 若有衆生 鬪諍言訟 因生憂惱
若能至心稱我名者 由是力故 鬪訟解散 慈心相向 乃至菩提

第八大願 願我來世得菩提時 若有衆生 入於江海 遭大惡風 吹
其船舫 無有洲渚 而作婦依 極生憂怖 若能至心稱我名者 由是力故
皆得隨心至安隱 處受諸快樂 乃至菩提

曼殊室利 是謂彼 佛如來 正等覺 行菩薩道 時所發 八種微妙大願
又彼世尊 從初發心 常以定力 成就衆生 供養諸佛 嚴淨 佛土 菩薩眷屬
悉皆圓滿 此之福德 不可思議 一切聲聞 及諸獨覺 縱經多劫 說不

能盡 唯除如來 補處菩薩 曼殊室利 若有淨信 男子 女人 若王 大臣
長者 居士 心悌 福德 斷諸煩惱 稱彼 佛名 誦斯 經典 於彼 如來 至心 尊

重恭敬 供養 所有一切 罪惡 業障 及諸 病苦 悉皆 消滅 諸有 願求 無不
隨意 得不 退轉 乃至 菩提

復次 曼殊室利 東方 去此 過五 殞伽 河沙 佛土 有世界 名曰 妙寶
佛 號寶 月智 嚴光 音自在 王 如來 正等 覺 有無 量億 菩薩 圍繞 現在 說

法 皆演 大乘 微妙 深義 曼殊室利 彼佛 如來 從初 發心 行菩薩 道時
發八大願 云何 為八

第一大願 願我來世得菩提時 若有衆生 為營 農業 及商 賈事 令
心擾亂 廢修 菩提 殊勝 善法 於生 死中 不能 出離 各各 備受 無邊 苦惱

若能至心稱我名者 由是力故 衣服 飲食 資生 之具 金銀 珍寶 隨願 充足
所有 善根 皆得 增長 亦不 捨離 菩提 之心 諸惡 道苦 咸蒙 解脫 乃至

菩提

第二大願 願我來世得菩提時 於十方界 所有衆生 若為 寒熱 飢

渴逼身受大苦惱 若能至心称我名者 由是力故先世罪業悉皆消滅

捨諸苦惱受人天樂 乃至菩提

第三大願 願我来世得菩提時 於十方界若有女人 貪淫煩惱常

覆其心 相續有娠深可厭惡 臨當產時受大苦惱 若我名字暫經其

耳或復称念 由是力故眾苦皆除 捨此身已常為男子 乃至菩提

第四大願 願我来世得菩提時 若有眾生 或与父母 兄弟姊妹

妻子眷屬及諸親友行險難處 為賊所侵受諸苦惱 暫聞我名或復称

念 由是力故解脫眾難 乃至菩提

第五大願 願我来世得菩提時 若有眾生行於闇夜作諸事業 被

惡鬼神之所惱乱極生憂苦 暫聞我名或復称念 由是力故從闇遇明

諸惡鬼神起慈悲意 乃至菩提

第六大願 願我来世得菩提時 若有眾生 行鄙惡事不信三宝智

慧 慧少不修善法 根力覺道念定總持皆不修習 若能至心称我名者

由是力故智慧漸增 三十七品悉皆修學 深信三宝 乃至菩提

第七大願 願我来世得菩提時 若有眾生 意樂鄙劣於二乘道修

行而住 棄背無上勝妙菩提 若能至心称我名者 捨二乘見於無上

覺得不退轉 乃至菩提

第八大願 願我来世得菩提時 若有眾生 見劫將尽火欲起時生

大憂怖苦惱悲泣 由彼前身惡業力故 受斯眾苦無所歸依 若能至

心称我名者 所有憂苦悉皆消滅 受清涼樂從此命終於我仏土蓮華

化生常修善法乃至菩提

曼殊室利 是為彼仏如来応正等覺行菩薩道時所発八種微妙大願

又彼如来所居仏土広博嚴浄地平如掌 天妙香樹而為行列 天花遍

覆天樂常鳴 天妙鈴鐸隨処懸布 天寶莊嚴獅子之座 天寶砌飾諸

妙浴池 其地柔軟無諸瓦礫 亦無女人及諸煩惱 皆是不退諸菩薩

衆蓮華化生 若起念時飲食衣服及諸資具隨意現前 是故名為妙宝

世界 曼殊室利 若有淨信男子女人國王王子大臣輔相中宮嫔女 昼夜

六時愍重至心恭敬供養彼仏世尊及称名号 并造形像香花音樂燒香

抹香塗香而為奉獻 清淨嚴潔於七日中持八戒齋 於諸衆生起慈悲

意 願生彼土 彼仏世尊及諸菩薩護念是人 一切罪業悉皆消滅

無上菩提得不退轉 於貪恚痴漸得微薄 無諸病苦增益壽命 隨有

怖求悉皆如意 鬪諍怨家咸生歡喜 捨此身已往彼刹土蓮華化生

当生之時念定總持悉皆明了 曼殊室利 如是当知 彼仏名号無量

功德若得聞者所願皆成

復次曼殊室利 東方去此過六殑伽河沙仏土 有世界名曰円満香

積 仏号金色宝光妙行成就如来応正等覺 有無量億万菩薩圍遶現

在説法 曼殊室利 彼仏如来從初発心行菩薩道時 発四大願 云

何為四

第一大願 願我来世得菩提時 若有衆生 造作種種屠害之業断

諸生命 由斯惡業受地獄苦 設得為人短寿多病 或遭水火刀毒所

傷当受死苦 若聞我名至心称念 由是力故 所有惡業悉皆消滅

無病長寿不遭横死 乃至菩提

第二大願 願我来世得菩提時 若有衆生 作諸惡業盜他財物

当墮惡趣 設得為人生貧窮家 乏少衣食常受諸苦 若聞我名至心

称念 由是力故所有惡業悉皆消滅 衣服飲食無所乏少 乃至菩提

第三大願 願我来世得菩提時 若有衆生更相凌慢共為讐隙 若

聞我名至心称念 由是力故各起慈心猶如父母乃至菩提

第四大願 願我来世得菩提時 若有衆生貪欲瞋恚愚痴所纏 若

出家在家男女七衆 毀犯如来所制学処造諸惡業 当墮地獄受諸苦

報 若聞我名至心称念 由是力故所有惡業悉皆消滅 斷諸煩惱敬
奉尸羅 於身語心善能防護 永不退轉乃至菩提

曼殊室利 是為彼仏如来応正等覺行菩薩道時所発四種微妙大願

曼殊室利 又彼如来所居仏土広博嚴浄 地平如掌皆以宝成 常有

香氣如妙栴檀 復以香樹而為行列 天妙珠瓔摩尼等宝処処垂下

多有浴池天宝嚴飾 香水盈滿衆徳皆具 於其四辺懸妙絵綵 街衢

八道随処莊嚴 所有衆生無諸煩惱及憂悲苦 亦無女人 多是住地

諸菩薩衆 勝妙音楽不鼓自鳴 演説大乘微妙深法若有衆生聞此音

者 得不退轉無上菩提

曼殊室利 彼仏如来由昔願力 善巧方便成就仏土 円満莊嚴坐

菩提座 作如是念 於未來世若有衆生 為貪瞋痴之所纏繞 衆病

所逼 怨家得便 或時横死 復由惡業墮地獄中受大劇苦 彼仏見

此苦惱衆生 為除業障説此神呪令彼受持 於現世中 得大利益

遠離衆苦住菩提故 即説呪曰

旦那他悉睇悉睇 蘇悉睇 謨折爾木刹爾 目帝毘目帝 菴末麗

毘末麗 忙掲例呬嚩若掲鞞曷喇旦那 掲鞞 薩婆頰他婆但爾 鉢

囉摩頰他 娑但爾末捺細 莫訶末捺細 頰步帝頰室步帝 毘多婆

曳 蘇跋泥(去) 跋羅蚶摩 瞿俠佉 跋囉蚶摩柱俠帝 薩婆頰

刹数 阿鉢囉匝帝薩跋旦那囉 阿鉢喇底喝帝 折覩殺 瑟檄勃陀俱

胝 婆俠帝 納摩娑婆 旦那掲多喃 莎訶

爾時世尊 説此大力大明呪時 衆中所有諸大菩薩四大天王釈梵

王等讚言 善哉善哉大悲世尊 能説如是過去如来大力神呪為欲饒

益無量衆生竭煩惱海登涅槃岸除去疾病所願皆満

仏告大衆 若有淨信男子女人国王王子大臣輔相中宮嫪女情悌福

徳 於此神呪起敬信心 若読若誦若為他人演説其義 於諸含識起

大悲心 昼夜六時香華燈燭 殷重供養清淨澡浴 持八戒齋至誠念
誦 所有極重無辺業障悉皆消滅 於現身中離諸煩惱 命欲終時諸
仏護念 即於彼國蓮華化生

復次曼殊室利 東方去此過七殑伽河沙仏土 有世界名曰無憂
仏号無憂最勝吉祥如來応正等覺 今現在彼為衆說法 又彼如來所

居仏土 広博嚴浄地平如掌皆以宝成 細滑柔軟常有香氣 無憂苦

声離諸煩惱亦無惡趣及女人名 処処皆有金砌浴池香水盈滿 宝樹

行列花果滋茂 勝妙音樂不鼓自鳴 譬如西方極樂世界無量寿国功

徳莊嚴 曼殊室利 彼仏世尊行菩薩道時 殑四大願云何為四

第一大願 願我来世得菩提時 若有衆生 常為憂苦之所纏逼

若聞我名至心称念 由是力故所有憂悲及諸苦惱悉皆消滅 長寿安

隱 乃至菩提

第二大願 願我来世得菩提時 若有衆生 造諸惡業生在無間黒

闇之處 大地獄中受諸苦惱 由彼前身聞我名字 我於爾時身出光

明照受苦者 由是力故彼見光時 所有業障悉皆消滅 解脱衆苦生

人天中 随意受樂乃至菩提

第三大願 願我来世得菩提時 若有衆生 造諸惡業殺盜邪淫

於其現身受刀杖苦当墮惡趣 設得人身短寿多病 生貧賤家衣服飲

食悉皆乏少 常受寒熱飢渴等苦身無光色 所感眷属皆不賢良 若

聞我名至心称念 由是力故隨所願求 飲食衣服悉皆充足 如彼諸

天身光可愛 得善眷属乃至菩提

第四大願 願我来世得菩提時 若有衆生 常為藥叉諸惡鬼神

所燒乱 奪其精气受諸苦惱 若聞我名至心称念 由是力故 諸藥

叉等悉皆退散各起慈心 解脱衆苦乃至菩提

曼殊室利 是為彼仏如來応正等覺所殑四種微妙大願 若有衆生

聞彼仏名 昼夜六時称名礼敬至心供养 於衆生起慈悲心 業障
消滅解脱憂苦 無病長寿得宿命智 於諸仏土蓮華化生 常為諸天
之所衛護 曼殊室利 称彼仏名能生如是無量福業 而彼仏土願力
莊嚴殊勝功德 声聞独覺所不能知 唯除如来応正等覺
復次曼殊室利 東方去此過八殑伽河沙仏土 有世界名曰法幢
仏号法海雷音如来 応正等覺 今現説法 曼殊室利 彼仏世尊所居
国土清淨無穢 其地平正頗梨所成 常有光明香氣芬馥 以帝青宝
而為城郭 有八街道砌以金銀 樓閣殿堂飛甍戸牖欄楯莊飾皆衆宝
成 天香宝樹随処行列 於其枝上挂以天絵 復有宝鈴処処垂下
微風吹動出妙音声 演暢無常苦空無我 衆生聞者捨離欲纏習氣漸
除証甚深定 天妙香花繽紛而下 於其四面有八浴池 底布金沙香
水弥滿 曼殊室利 於彼仏土無諸惡趣 亦無女人 蓮華化生無復
煩惱 彼仏如来行菩薩道時 発四大願云何為四
第一大願 願我来世得菩提時 若有衆生生邪見家 於仏法僧不
生淨信 遠離無上菩提之心 若聞我名至心称念 由是力故 無明
邪慧日夜消滅 於三宝所深生正信 不復退転乃至菩提
第二大願 願我来世得菩提時 若有衆生 生在辺地 由近悪友
造衆罪業不修善品 三宝名字曾不経耳 命終之後墮三惡趣 彼諸
衆生暫聞我名者 由是力故 業障消除遇善知識不墮惡趣 乃至菩
提

第三大願 願我来世得菩提時 若有衆生 衣服飲食臥具医薬資
生所須悉皆乏少 由此因縁生大憂苦 為求覓故造衆惡業 若聞我
名至心称念 由是力故 有所乏少随念皆得 乃至菩提
第四大願 願我来世得菩提時 若有衆生 由先惡業 共相鬪諍
作不饒益 弓箭刀杖互為傷損 若聞我名至心称念 由是力故各起

慈心不相損害 不善之念尚自不生 況於前人欲斷其命 常行喜捨
乃至菩提

曼殊室利 是為彼仏如来応正等覺行菩薩道時所発四種微妙大願
若有淨信男子女人 聞彼仏名至心禮敬慇懃供養受持念誦 業障消

滅得不退轉菩提之心 具宿命智 所生之處常得見仏 無病長寿
命終之後生彼國中 衣服飲食資生之具隨念皆至無所乏少 曼殊室

利 彼仏世尊具足如是無量功德 是故衆生常當憶念勿令忘失
復次曼殊室利 東方去此過九殍伽河沙仏土 有世界名曰善住宝

海 仏号法海勝慧遊戲神通如来応正等覺 現在説法 曼殊室利
彼仏如来行菩薩道時 発四大願云何為四

第一大願 願我来世得菩提時 若有衆生造衆惡業 種植耕耘損
諸生命 或復興易欺誑他人 戰陣兵戈常為殺害 若聞我名至心称

念 由是力故 資生之具不仮営求隨心満足 常修衆善 乃至菩提
第二大願 願我来世得菩提時 若有衆生造十惡業殺生等罪 由

此因縁当墮地獄 若聞我名至心称念 於十善道皆得成就不墮惡趣
乃至菩提

第三大願 願我来世得菩提時 若有衆生不得自在 繫屬於他
或被禁繫杻械枷鎖鞭杖苦楚乃至極刑 若聞我名至心称念 由是力

故 所有厄難皆得解脱乃至菩提
第四大願 願我来世得菩提時 若有衆生 造衆惡業不信三宝

隨虚妄見棄背正理愛樂邪徒 謗毀仏経言非聖説 外道典籍恭敬受
持 自作教人俱生迷惑 当墮地獄無有出期 設得為人生八難処

遠離正道盲無慧目 如是之人若聞我名至心称念 由是力故 臨命
終時正念現前解脱衆難 常生中国受勝妙樂 乃至菩提

曼殊室利 是為彼仏如来応正等覺行菩薩道時所発四種微妙大願

曼殊室利 彼仏国土功德莊嚴 与上妙宝如来世界等無有異

復次曼殊室利 東方去此過十殑伽河沙仏土 有世界名浄瑠璃

仏号薬師瑠璃光如来応正等覚 曼殊室利 彼仏世尊從初発心行菩

薩道時 発十二大願云何十二

第一大願 願我来世得菩提時 自身光明照無边界 三十二相八

十随好莊嚴其身 令諸有情如我無異

第二大願 願我来世得菩提時 身如瑠璃内外清徹 光明广大遍

滿諸方 焰網莊嚴過於日月 鉄围中間幽冥之处互得相見 或於此

界闇夜遊行 斯等衆生見我光明悉蒙開曉随作衆事

第三大願 願我来世得菩提時 以無量無辺智慧方便令諸有情所

受用物皆得無尽

第四大願 願我来世得菩提時 若諸有情行邪道者 悉令遊履菩

提正路 若行声聞独覚乗者 亦令安住大乘法中

第五大願 願我来世得菩提時 若諸有情於我法中修行梵行 一

切皆令得不欠戒善防三業無有毀犯墮惡趣者 設有毀犯聞我名已

專念受持至心発露還得清浄 乃至菩提

第六大願 願我来世得菩提時 若諸有情諸根不具 醜陋頑瘕聾

盲瘖唾孿躄背偻白癩瘖狂 種種病苦之所纏逼 若聞我名至心称念

皆得端嚴衆病除愈

第七大願 願我来世得菩提時 若諸有情貧窮困苦無有歸趣 衆

病所逼無業無医 暫聞我名衆病消散 眷属増盛資財無乏 身心安

樂 乃至菩提

第八大願 願我来世得菩提時 若有女人 為女衆苦之所逼切極

生厭離願捨女身 若聞我名至心称念 即於現身転成男子具丈夫相

乃至菩提

第九大願 願我來世得菩提時 令諸有情出魔羅網 復有種種邪

見之徒 皆當攝受令生正見 漸令修習諸菩薩行 乃至菩提

第十大願 願我來世得菩提時 若諸有情王法所拘 幽禁牢獄枷

鎖鞭撻乃至極刑 復有衆多苦楚之事逼切憂惱無暫樂時 若聞我名

以我福德威神力故 皆得解脫一切憂苦乃至菩提

第十一大願 願我來世得菩提時 若諸有情飢火所惱 為求食故

造諸惡業 若聞我名至心稱念 我當先以上妙飲食隨意飽滿後以法

味令住勝樂 乃至菩提

第十二大願 願我來世得菩提時 若諸有情身無衣服 蚊虻寒熱

之所逼惱 若聞我名至心稱念 隨其所好即得種種上妙衣服寶莊嚴

具伎樂香華皆令滿足 離諸苦惱 乃至菩提

曼殊室利 是為藥師瑠璃光如來 應正等覺行菩薩道時所發十二微

妙上願

藥師瑠璃光七仏本願功德經卷上

藥師瑠璃光七仏本願功德經卷下 大唐三藏法師義淨於仏光内寺記

爾時仏告曼殊室利 彼藥師瑠璃光如來行菩薩道時所發大願及彼

仏土功德莊嚴 我於一劫若過一劫説不能尽 然彼仏土純一清淨

無諸欲染亦無女人及三惡趣苦惱之聲 以淨瑠璃而為其地 城闕宮

殿及諸廊宇軒窓羅網皆七宝成 亦如西方極樂世界功德莊嚴 於彼

国中有二菩薩 一名日光遍照 二名月光遍照 於彼無量菩薩衆中

而為上首 能持彼仏正法宝藏 是故曼殊室利 若有淨信男子女人

應當願生彼仏世界

復次曼殊室利 若有衆生 不識善惡 惟懷貪惜不知惠施及施果

報 愚痴少智無有信心 多畜珍財勤勞守護 見乞者來心生不喜

設不獲已行惠施時 如割身肉深生悵惜 復有無量慳貪有情積集資

財 然於自身尚不能用 況當供給父母妻子奴婢僕使及來乞者 彼
諸有情從此命終 生餓鬼中或傍生趣 由昔人間曾聞葉師瑠璃光如
來名故 雖在惡趣還得憶念彼如來名 即於彼没生在人中 得宿命
智念畏惡趣苦不樂欲樂 好行惠施讚歎施者 所有財物無慳悋心
漸次尚能以頭目手足血肉身分施來求者 況余財物

復次曼殊室利 若復有人 歸依世尊受諸學處 而破壞戒威儀及

壞正見 諸有持戒正見不求多聞 於仏所說契經深義不能解了 雖

有多聞而懷憍慢 由慢心故自是非他 嫌謗正法為魔伴党 如是愚

人自行邪見 復令無量百千俱胝有情墮大險坑 此諸有情墮於地獄

傍生鬼趣 若曾聞此葉師瑠璃光如來名号 由彼如來本願威力 於

地獄中憶仏名号 從彼命尽還生人間 正見精進意樂調善 捨俗出

家 於仏法中受持學處無有毀犯 正見多聞解甚深義 離於憍慢不

謗正法不為魔伴 漸次修行諸菩薩行 乃至菩提

復次曼殊室利 若諸有情慳貪嫉妬造諸惡業自讚毀他 命終當墮

三惡趣中 無量千歲受諸劇苦 從彼終已來生人間 或作牛馬駝驢

之属 恒被鞭撻飢渴纏心 身常負重困苦疲極 若得為人生居下賤

奴婢僕使被他驅役恒不自在 由昔人間曾聞葉師瑠璃光如來名号

彼善根力今復憶念至心歸依 以仏神力衆苦解脱 諸根聰利智慧多

聞 恒求勝法常遇善友 永斷魔翳破無明蔽 竭煩惱河 解脱一切

生老病死憂悲苦恼 乃至菩提

復次曼殊室利 若諸有情 好喜乖離更相鬪訟惱乱自他 以身語

意造諸惡業 展轉常為不饒益事 互相謀害告召山林樹塚等神殺諸

衆生取其血肉祭祀藥叉羅刹神等 書怨人名或作形像 以惡呪術而

呪詛之 厭魅蠱道呪起死屍 令斷彼命及壞其身 是諸有情若得聞

此葉師瑠璃光如來名号 彼諸惡縁悉不能害 一切展轉皆起慈悲

利益安樂無 損惱意及嫌恨心 於自所有常生喜足

復次曼殊室利 若有四衆苾芻苾芻尼近事男近事女及余淨信男子

女人 若能受持八支齋戒 或經一年或復三月 受持學處 以此善

根願生西方極樂世界見無量壽佛 若聞藥師瑠璃光如來名号 臨命

終時有八菩薩 乘神通來示其去處 即於彼界種種雜色衆宝花中自

然化生 或有因此生於天上 雖生天中而昔善根亦不窮尽 不復更

生諸余惡趣 天上壽尽還生人間 或為輪王統攝四洲 威德自在勸

化無量百千有情 於十善道令其修習 或生刹帝利婆羅門居士貴族

多饒財宝倉庫盈溢 形相端嚴眷属隆盛 聰明智慧勇健盛猛有大身

力 若是女人得聞藥師瑠璃光如來名号 至心受持 於後不復更受

女身

復次曼殊室利 彼藥師瑠璃光如來得菩提時 由本願力觀諸有情

遇衆病苦瘦瘵乾消黃熱等病 或被厭魅蠱道所中 或復短命或時橫

死 欲令是等病苦消除所求願滿 時彼世尊入三摩地 名曰滅除一

切衆生苦惱 既入定已 於肉髻中出大光明 光中演説大陀羅尼呪

曰 南謨薄伽伐帝 鞞殺社窣嚧 薜瑠璃鉢喇婆 曷囉闍也 但他揭

多也 阿囉喝帝 三藐三勃陀也 但姪他唵 鞞殺逝 鞞殺逝 鞞殺

社三没揭帝 莎訶

爾時光中説此呪已 大地震動放大光明 一切衆生病苦皆除受安

隱樂 曼殊室利 若見男子女人有病苦者 应当一心為彼病人清淨

澡漱或食或藥或無虫水呪一百八遍与彼服食 所有病苦悉皆消滅

若有所求指心念誦 皆得如意無病延年 命終之後生彼世界 得不

退轉 乃至菩提 是故曼殊室利若有男子女人 於彼藥師瑠璃光如

來 至心愍重恭敬供養者 常持此呪勿令廢忘

復次曼殊室利 若有淨信男子女人 得聞如上七仏如来正等覺

所有名号 聞已誦持晨嚼齒木澡漱清淨 以諸香花抹香燒香塗香

作衆伎樂供養形像 於此經典若自書若教人書 一心受持聽聞其義

於彼法師應修供養 一切所有資身之具 悉皆施与勿令乏少 如是

便蒙諸仏護念所求願滿 乃至菩提

爾時曼殊室利童子白仏言 世尊 我於末法之時 誓以種種方便

令諸淨信男子女人得聞七仏如来名号 乃至睡中亦以仏名令其覺悟

世尊若於此經受持誦誦 或復為他演説開示 若自書若教人書恭敬

尊重以種種華香塗香抹香燒香華鬘瓔珞幡蓋伎樂而為供養 以五色

綵絲而裹袂之 洒掃淨処置高座上

是時四大天王与其眷属 及与無量百千天衆 皆詣其所供養守護

世尊若此經宝流行之処及受持者 以彼七仏如来本願功德及聞名号

威神之力 当知是処無復横死 亦復不為諸惡鬼神奪其精氣 設已

奪者還得如故身心安樂

仏告曼殊室利 如是如是如汝所説 曼殊室利若有淨信男子女人

欲供養彼七如来者 応先敬造七仏形像 安在清淨上妙之座散花燒

香以諸幢幡莊嚴其処 七日七夜受八戒齋食清淨食 澡浴身体着新

淨衣 心無垢濁亦無患害 於諸有情常起利樂慈悲喜捨平等之心

鼓樂弦歌称讚功德右繞仏像 念彼如来所有本願 讀誦此經思惟其

義 演説開示 隨其所願 求長寿得長寿 求富饒得富饒 求官位

得官位 求男女得男女 一切皆遂 若復有人忽為惡夢見諸惡相

或怪鳥来集 或於其家百怪出現 此人若以上妙資具 恭敬供養彼

諸仏者 惡夢惡相諸不吉祥 悉皆隱没不能為患 或有水火刀毒懸

崖險道惡象獅子虎狼熊羆蛇蠍蜈蚣如是等怖 若能至心憶念彼仏恭

敬供養 一切怖畏皆得解脱 若他国侵擾盜賊反乱 憶念恭敬彼如

来者 所有怨敵悉皆退散 復次曼殊室利若有淨信男子女人等 乃至
至尽形 不事余天 惟当一心歸佛法僧受持禁戒 若五戒十戒菩薩
二十四戒苾芻二百五十戒苾芻尼五百戒 於諸戒中或有毀犯怖墮惡
趣 若能專念彼仏名号恭敬供養者 必定不生三惡趣中 或有女人
臨当産時受於極苦 若能至心称名礼讚恭敬供養七仏如来衆苦皆除
所生之子顔貌端正見者歡喜 利根聰明少病安樂 無有非人奪其精
氣

爾時世尊告阿難言 如我称揚彼七如来名号功德此是諸仏甚深境
界 難可了知汝勿生疑 阿難白言 世尊我於如来所説契經深義不
生疑惑 所以者何 一切如来身語意業皆無虚妄 世尊此日月輪可
令墮落 妙高山王可使傾動 諸仏所言終無有異 世尊然有衆生信
根不具 聞説諸仏甚深境界作是思惟 云何但念七仏名号 便獲爾
所功德勝利 由此不信便生誹謗 彼於長夜失大利樂墮諸惡趣 仏
告阿難 彼諸有情若得耳聞諸仏名号 墮惡趣者無有是処 唯除定
業不可転者 阿難 此是諸仏甚深境界難可信解 汝能信受 当知
皆是如来威力 阿難 一切声聞及独覺等皆不能知唯除一生補処菩
薩 阿難 人身難得 於三宝中信敬尊重亦難可得 得聞七仏如来
名号復難於是 阿難 彼諸如来無量菩薩行 無量巧方便 無量広
大願如是想願善巧方便 我若一劫若過一劫説不能尽

爾時衆中有一菩薩摩訶薩 名曰救脱 即從座起偏袒右肩 右膝
着地 合掌向仏白言 世尊 於後末世像法起時 若有衆生為諸病
苦之所逼惱 身形羸瘦不能飲食 喉唇乾燥目視皆暗死相現前 父
母親属朋友知識啼泣困繞 身臥本処見彼琰魔法王之使引其神識將
至王所 然諸有情有情有俱生神 隨其所作善惡之業悉皆記錄授与彼王
王即依法問其所作 隨彼罪福而処断之 是時病人親属知識 若能

為彼歸依諸仏 種種莊嚴如法供養 而彼神識或經七日或二七日乃
至七七七日 如從夢覺復本精神 皆自憶知善不善業所得果報 由自
証見業報不虛 乃至命難亦不造惡 是故淨信男子女人 皆應受持
七仏名号隨力所能恭敬供養

爾時具壽阿難 問救脫菩薩曰 善男子 恭敬供養彼七如来 其

法云何 救脫菩薩言 大德 若有病人及余災厄欲令脫者 當為其

人七日七夜持八戒齋 應以飲食及余資具隨其所有供仏及僧昼夜六

時恭敬禮拜七仏如来誦誦此經四十九遍然四十九灯造彼如来形像七

軀一一像前各置七灯其七灯状円若車輪乃至四十九夜光明不絶造雜

綵幡四十九首并一長幡四十九尺放四十九生 如是即能離災厄難

不為諸横惡鬼所持 大德阿難 是為供養如来法式 若有於此七仏

之中隨其一仏称名供養者 皆得如是無量功德所求願滿 何況尽能

具足供養

復次大德阿難 若刹帝利灌頂王等災難起時 所謂人衆疾疫難

他国侵逼難 自界叛逆難 星宿變怪難 日月薄蝕難 非時風雨難

過時不雨難 彼刹帝利灌頂王等 爾時當於一切有情起慈悲心放大

恩赦脫諸幽厄苦惱衆生如前法式供養諸仏 由此善根及彼如来本願

力故 令其国界即得安隱 風雨順時穀稼成熟 国内衆生無病安樂

又無暴惡葉叉等神共相惱乱 一切惡相悉皆隱没 而刹帝利灌頂王

等 皆得增益壽命色力無病自在 大德阿難 若帝后妃主儲君王子

大臣輔相宮中嫫女百官黎庶為病所苦及余厄難 亦應敬造七仏形像

誦誦此經然灯造幡放諸生命至誠供養燒香散花 即得病苦銷除解脫

衆難

爾時具壽阿難 問救脫菩薩言 善男子 云何已尽之命而可增益

救脫菩薩言 大德 仁豈不聞如來說有九横死耶 由是世尊為説呪

菓隨事救療 然灯造幡修諸福業 以修福故得延壽命 阿難問言
九橫云何 救脫菩薩言 一者若諸有情得病雖輕 然無醫藥及看病
者 設復遇醫不授其藥 實不応死而便橫死 又信世間邪魔外道妖
孽之師妄說禍福便生恐動心不自正 卜問吉凶殺諸衆生求神解奏呼
召魍魎請福祈恩欲冀延年 終不能得 愚迷倒見遂令橫死 入於地
獄無有出期 二者橫為王法之所誅戮 三者畋獵嬉戲耽淫嗜酒放逸
無度 橫為非人奪其精氣 四者橫為火焚 五者橫為水溺 六者橫
為種種惡獸所噉 七者橫墮山崖 八者橫為毒藥厭禱呪起屍鬼等
之所中害 九者飢渴所困不得飲食而便橫死 是為如來略說橫死有
此九種 其余復有無量諸橫 難可具說

復次阿難 彼琰魔王簿錄世間所有名籍 若諸有情不孝五逆毀辱

三寶 壞君臣法破於禁戒 琰魔法王隨罪輕重考而罰之 是故我今

勸諸有情 然灯造幡放生修福 令度苦厄不遭衆難 爾時衆中有十

二葉叉大將 俱在会坐其名曰

宮毘羅大將 跋折羅大將

迷企羅大將 頰爾羅大將

末爾羅大將 娑爾羅大將

因陀羅大將 波夷羅大將

薄呼羅大將 真達羅大將

朱社羅大將 毘羯羅大將

此十二葉叉大將 一一各有七千葉叉以為眷屬同時拳声白仏言

世尊 我等今者蒙仏威力得聞七仏如來名号 於諸惡趣無復怖畏

我等相率皆同一心 乃至尽形歸仏法僧 誓当荷負一切有情 為作

義利饒益安樂 随於何処城邑聚落空闲林中 若有此經流布誦誦

或復受持七仏名号恭敬供養者 我等眷屬衛護是人令脱衆難 所有

願求悉令満足 或有疾厄求度脱者 亦応誦誦此經 以五色縷結我

名字 得如願已然後解結爾時世尊 讚諸藥叉大將言 善哉善哉大

藥叉將 汝等念報七仏如来恩德者 常心如是利益安樂一切有情

爾時會中有多天衆智慧尠少 作如是念 云何過是殞伽河沙諸仏

世界現在如来 暫聞名者 便獲無辺殊勝功德 爾時釈迦牟尼如来

知諸天衆心之所念 即入警召一切如来甚深妙定 才入定已 一切

三千大千世界六種震動 雨天妙花及天香末 彼七如来見是相已

各從其国来至索訶世界 与釈迦如来共相問訊 時仏世尊由其先世

本願力故 各各自於天寶莊嚴獅子座上隨処安坐 諸菩薩衆天龍八

部人非人等 国王王子中宮妃主 并諸大臣婆羅門長者居士 前後

因遶而為説法 時諸天衆見彼如来皆已雲集 生大希有疑惑便除

時諸大衆歎未曾有 同声讚言 善哉善哉釈迦如来 饒益我等為除

疑念 令彼如来皆至於此 時諸大衆各隨自力 以妙香華及衆瓔珞

諸天伎樂供養如来 右遶七匝合掌礼敬讚言 希有希有 諸仏如来

甚深境界不可思議 由先願力善巧方便 共現如是奇異之相 爾時

大衆各各發願 願諸衆生皆得如是如来勝定

爾時曼殊室利 即從座起合掌恭敬 遶仏七匝礼双足已 白言世

尊 善哉善哉 如来定力不可思議 由本願力方便善巧成就衆生

惟願為説大力神呪 能令来世薄福衆生病惱所纏日月星辰所有厄難

疫病怨惡及行險道遭諸恐怖為作帰依令得安隱 彼諸衆生於此神呪

若自書教人書 受持誦誦誦誦為他説 常蒙諸仏之所護念 仏自現身

令願満足不墮惡趣亦無横死 時諸如来讚曼殊室利言 善哉善哉

此是我等威神之力 令汝勸請哀愍衆生離諸苦難 為説神呪 汝心

諦聽善思念之 我当為説 曼殊室利 有大神呪名曰如来定力瑠璃

光 若有男子女人 書写誦誦恭恭敬敬供養 於諸含識起大悲心 所有

願求皆得満足 諸仏現身而為護念 離衆障惱当生仏国 時七如来

以一音声 即説呪曰

但姪他 具謎具謎警尼謎膩呬(上) 末底末底 馱頰怛他揭多

三摩地頰提瑟恥帝 頰帝末帝波例 波跛輪但儻 薩婆波跛那世也

勃睇勃睇 唱答謎隴謎矩謎 仏鐸器怛羅 鉢里輪但儻曇謎昵曇謎

謎嚕謎嚕 謎噓尸謁囉薩婆哥羅 蜜栗覩(丁呎) 尼婆囉儻 勃

提蘇勃睇 仏陀陀頰提瑟怛泥娜曷略又覩謎 薩婆提婆 三謎頰三

謎三曼捺(奴和) 漢囉覩謎薩婆仏陀菩提薩埵 苦謎苦謎 鉢喇苦

謎曼 覩謎 薩婆伊底隴波達婆薩婆毘何大也 薩婆薩埵難者瞞

泥瞞泥(去) 瞞也謎 薩婆阿舍 薛瑠璃也 鉢喇底婆細 薩

婆波跛 着楊羯囉莎訶

爾時七仏説此呪時 光明普照大地震動 種種神变一時俱現時

諸大衆見此事已 各各隨力以天香花塗香抹香奉上彼仏 咸唱善哉

右邊七匝 彼仏世尊同声唱言 汝等一切人天大衆 応如是知 若

有善男子善女人若王王子妃后大臣寮庶之類 若於此呪受持誦誦聽

聞演説 以妙香花供養經卷着新淨衣在清淨処持八戒齋 於諸含識

常生慈愍 如是供養得無量福 若復有人有所祈願 応当造此七仏

形像可於静処以諸香華懸繪幡蓋 上妙飲食及諸伎樂而為供養 并

復供養菩薩諸天 在仏像前端坐誦呪 於七日中持八戒齋 誦滿一

千八遍 彼諸如来及諸菩薩悉皆護念 執金剛菩薩并諸釈梵四天王

等 亦來擁衛此人 所有五無間罪一切業障 悉皆消滅 無病延年

亦無横死及諸疾疫 他方賊盜欲來侵境 鬪諍戰陣言訟讐隙飢儉早

滌 如是等怖一切皆除 共起慈心猶如父母 有所願求無不遂意

爾時執金剛菩薩 釈梵四天王 從座而起合掌恭敬 礼釈迦牟尼

仏足白言 世尊 我等大衆皆已得聞諸仏本願殊勝功德 及見諸仏

慈悲至此令我衆生親承供養 世尊 若於其処有此經典及七仏名陀
羅尼法 流通供養乃至書寫 我等悉皆承仏威力 即往其処擁護於
彼 国王大臣 城邑聚落 男子女人勿令衆苦及諸疾病之所惱乱
常得安隱財食豐足 我等即是報諸仏恩 世尊我等親於仏前自立要
誓 若有淨信男子女人 憶念我者心誦此呪 即説呪曰
但姪他 惡婁莫婁 但羅婁 麼麼婁具囉 訶呼(去) 醯

(去) 末囉末囉末囉 緊樹囉布囉 莎訶

若有淨信男子女人国王王子大臣輔相中宮嫔女 誦七仏名及此神

呪 誦誦書寫恭敬供養 現世皆得無病長壽 離衆苦惱不墮三途

得不退轉乃至菩提 彼諸仏土隨意受生 常見諸仏得宿命智 念定

總持無不具足 若患鬼瘧等病 當書此呪繫之肘後 病若差已置清

淨処 爾時執金剛菩薩 詣七仏所右遶三匝各申禮敬白言 世尊

惟願慈悲護念於我 我今為欲饒益未來男子女人持是經者 我更為

説陀羅尼呪 時彼七仏讚執金剛言 善哉善哉執金剛 我加護汝可

説神呪 為護未來持經之人令無衆惱所求滿足 時執金剛菩薩 即

説呪曰

南麼馱多喃 三藐三仏陀喃 南麼薩婆跋折囉達囉喃但姪他 唵

跋折囉 跋折囉 莫訶跋折囉 跋折囉波捨 陀囉囉三麼三麼 三

曼頰 阿鉢囉底喝多 跋折囉 苦麼苦麼 鉢囉苦曼覩謎 薩婆毘

阿大也 矩嚕矩嚕 薩婆羯麼 阿伐囉拏爾叉也 三麼也末奴三末

囉簿伽畔跋折囉波爾薩婆舍謎鉢哩 脯囉也 莎訶

世尊 若復有人持七仏名 憶念彼仏本願功德 并持此呪誦誦演

説 我令彼人所願滿足無所乏少 若欲見我問善惡者 应当書寫此

經造七仏像并執金剛菩薩像皆於像身安仏舍利於此像前如上所説種

種供養禮拜旋繞 於衆生処起慈悲心受八戒齋日別三時澡浴清淨三

時衣別從白月八日至十五日每日誦呪一百八遍心無散乱 我於夢中
即自現身共為言說 隨所求者皆令滿足 時大会有諸菩薩皆悉唱
言 善哉善哉執金剛 陀羅尼不可思議實為善說 時七如來作如是
語 我等護汝所說神呪 為欲饒益一切衆生皆得安樂所求願滿 不
令此呪隱沒於世 爾時七仏 告諸菩薩 積梵四天王曰 我今以此神
呪付屬汝等 并此經卷於未來世後五百歲法欲滅時 汝等皆心護持
是經 此經威力利益甚多 能除衆罪善願皆遂 勿於薄福衆生誹謗
正法毀賢聖者 授与斯經令法速滅 爾時東方七仏世尊 見此大衆
所作已弁機縁満足無復疑心 各還本土於其座上忽然不現
爾時具寿阿難陀 即從座起礼仏双足 右膝着地合掌恭敬 而白
仏言 世尊 当何名此經我等云何受持 仏告阿難陀 此經名為七
仏如來心正等覺本願功德殊勝莊嚴 亦名曼殊室利所問 亦名葉師
瑠璃光如來本願功德 亦名執金剛菩薩發願要期 亦名淨除一切業
障 亦名所有願求皆得円満 亦名十二大将發願護持 如是名字汝
当奉持 時薄伽梵說是經已 諸大菩薩及声聞衆 天龍葉叉健闍婆
阿蘇羅揭路荼緊那羅莫呼洛伽人非人等 一切大衆聞仏所說 皆大
歡喜信受奉行

薬師瑠璃光七仏本願經卷下